

REFERAT MAA - Meeqqanut Atuarfeqarnermullu Ataatsimiititaq d. 22-01-2018

Mødedato Mandag d. 22. januar 2018 kl. 14:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Meeqqanut Atuarfeqarnermullu Ataatsimiititap Ittoqqortoormiini Meeqqanut Atuarfeqarnermullu	7
Atuartut iluarisimaarinerannik misissuineq.....	10
Aalajangiiffigisassat.....	13
Kommuneqarfik Sermersuumi atuarfiit atuangiffeqartitsinissaannut Meeqqanut Atuarfeqarnermull	14
Suliat Aningaasaqarnermut Inuussutissaqarnermullu Ataatsimiititamut Kommunalbestyrelsimullu ii	17
Maaji Nuan 2018.....	18
PANAM 2018-imut taperneqaqqinnissamut qinnuteqaat.....	21
Taasariaqartut allat.....	24
Suliat matoqqasut.....	25
Imaqarniliap akuerineqarnera.....	26

Punkt 0: Saqqaa

<p>Ilaasortat</p> <p>Nivi Olsen (D), siulittaasoq</p> <p>Henrik Rachlev (IA)</p> <p>Knud Mathiassen (IA)</p> <p>Uju Petersen (IA)</p> <p>Thiiooq Knudsen (S)</p>

Beslutning

Oqarasuaatikkut ilaasut:

Henrik Rachlev (IA),

Knud Mathiassen (IA) aamma

Thiiooq Knudsen (S).

Punkt 1: Oqaluuserisassat akuerineqarneri

Beslutning

Oqaluuserisassaq 05A 03C-nngortinneqarpoq, taamaasillunilu aamma oqaluuserisassaq 05B 05A-nngorluni.

Oqaluuserisassat allannguutaalu akuerineqarput.

Punkt 2: Nalunaarutit

<p>2A. Siulittaasumit nalunaarutit</p> <p>2B. Ingerlatsivimmit nalunaarutit</p>

Beslutning

2A. Siulittaasumit nalunaarutit

- Aningaasaqarnermut Siunnersuisoqatigiit 27/01-2018 ataatsimiinnerani siulittaasoq borgmesteri sinnerlugu ataatsimeeqataassaaq.

- Ataatsimiititaliap paasisassarsiorlutik upernaami angalanissaannut tunngatillugu ataatsimiititap Nuummiinnissaa aalajangiunneqarnikuvoq, tassungalu atatillugu Kommunalbestyrelsip februarip ataatsimiinnissaa iluatsillugu Nuummi meeqquerivinnut atuarfinnillu pulaarnissaat ingerlatsiviup piareersarpaa. Ukiaru angalanissaq ataatsimiititap nammineq aalajangersinnaavaa. tassanilu siunnersuutigineqarpoq Qallunaat Nunaannulluunniit angalaneq pisinnaassasoq.

2B. Ingerlatsivimmit nalunaarutit

- Atorfilittat arlaqartut Qallunaat Nuaanni paasisassarsiorlutik angalaarput Nuummi illoqarfiup qeqqani atuarfiliornissamat tunngatillugu ilisimasassarsiorlutik. iPad atorlugu atuartitsinermut tunngatillugu ilinniartitsisut ilaat Tuluit Nunaannut paasisassarsiorlutik angalapput.

Punkt 3: Ilisimatitsissutit

Punkt 03A: Meeqqanut Atuarfeqarnermullu Ataatsimiititap Ittoqqortoormiini Meeqqanut Atuarfeqarnermullu Immikkoortortami aqutsisut akornanni ataatsimiinneq

Beslutning

Ilisimatitsissut tusaatissatut tiguneqarpoq.

Bilag

Referat-MA-udvalg-mÃde-m-Ittoqqortoormiit-21112017_18708_KAL (2).doc

Meeqqanut Atuarfeqarnermullu Ataatsimiititap Ittoqqortoormiinilu Meeqqanut Atuarfeqarnermullu Immikkoortortami aqutsisut akornanni ataatsimiinneq

Ilisimatitsissut

J.nr.: 51.10.06

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Meeqqanut Atuarfeqarnermullu Ataatsimiititap oktobarimi 2017 Ittoqqortoormiinut angalanissaralua angallannikkut ajornartorsiutit pissutigalugit taamaatiinnarneqarpoq, taarsiullugulu ataatsimiititap Meeqqanut Atuarfeqarnermullu Ingerlatsiviup Ittoqqortoormiini immikkoortortami aqutsisui pingasuusut novembarimi 2017 videokkut ataatsimeeqatigai.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Meeqqanut Atuarfeqarnermullu Ataatsimiititap sulineranut atatillugu Kommuneqarfik Sermersuup illoqarfiini nunaqarfiinilu Meeqqanut Atuarfeqarnermullu Ingerlatsiviini sulisut naapinnissaannut pilersaarutaagaluarpoq, ataatsimiititaq sap.ak. 44-mi Ittoqqortoormiinut angalassasoq.

Aaqqiissutissatut siunnersuut – suliatigut naliliineq

Angallannikkut ajornartorsiutit pissutigalugit angalaneq pisinnaajunnaarpoq, taarsiulluguli Meeqqanut Atuarfeqarnermullu Ataatsimiititap Meeqqanut Atuarfeqarnermullu Ingerlatsivik piuffigaa, ataatsimiititap Ittoqqortoormiinilu Meeqqanut Atuarfeqarnermut Ingerlatsivimmi aqutsisunik ataatsimeeqateqarnissaanik aaqqiissuussissasoq.

Ataatsimiinneq 21. novembari 2017 Kommuneqarfik Sermersuup Kommunalbestyrelsiata ataatsimiittarfiani pivoq, ataatsimiititami siulittaasoq ilaasortallu marluk oqallisigaat, atuarfimmi, meeqqerivimmi Paarsisumi sumiiffimmilu Peqqinneq Pitsaaliuinerimullu Immikkoortortaani unammilleruminaatsunut kiisalu maannamut angusimasanut tunngasut.

Aningaasaqarnikkut sulisoqarnikkullu naliliinerit

Soqanngilaq.

Inatsisitigut tunngaviusut aamma allagartat uppernarsaatitut sinaakkusersuutaasut

Soqanngilaq.

Ingerlariaqqinnissaq

Unammilleruminaatsunut tunngasut Meeqqanut Atuarfeqarnermullu Ataatsimiititap ataatsimiinnerani tullermi eqikkaarneqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqaateqartitsisoqanngilaq.

Ingerlatsivinniit allaniit oqaaseqaatigineqartut

Ingerlatsivinnit allanit oqaaseqaateqartitsisoqanngilaq.

Ilannugssaq

1. Meeqqanut Atuarfeqarnermullu Ataatsimiititap Ittoqqortoormiiniittunik ulloq 21112017 ataatsimeeqateqarneranik imaqarniliaq (KAL & DK)

Punkt 03B: Atuartut iluarisimaarinerannik misissuineq

Beslutning

Ilisimatitsissut tusaatissatut tiguneqarpoq imannak oqaasertalerlugu:

- Ilinniartitaanermut Aqutsisoqarfik aqqutigalugu atuartut iluarisimaarinerannik misissuinerup ingerlanneqarnissaa innersuutigineqassasoq ataatsimiititaliamit pingaartinneqartoq.

Atuartut iluarisimaarinerannik misissuineq

Ilisimatitsissut

J.nr.: 51.09.01

Meeqqanut Atuarfeqarnermullu Ingerlatsivik – Helene Broberg Berthelsen / HEBE

Suliassamik eqikkaaneq

Meeqqanut Atuarfeqarnermullu Ataatsimiititap ulloq 28. novembari 2017 ataatsimiinnerani Kommuneqarfik Sermersuumi meeqqat atuariini atuartut iluarisimaarinerannik misissuisoqarnissaanut periarfissaqartoqarnersoq apeqqutigineqarpoq. Meeqqanut Atuarfeqarnermullu Ingerlatsivik kommunimi meeqqat atuariini tamani atuartut iluarisimaarinerannik misissuinissamut periarfissanik misissuivoq. Maanna taamatut misissuinissamut atortussanik peqartoqanngilaq, tassa aningaasaqarnikkut allaffissornikkullu aningaasartuutaangaatsiartussatut nalilerneqarmat. Taamatulli misissuinissamut periarfissiinissaq ingerlatsivimmit sulissutigineqarpoq. Suliap killiffia maanna ataatsimiititamut ilisimatitsissutitut saqqummiunneqarpoq,

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- ilisimatitsissut Ataatsimiititamit tusaatissatut tiguneqassasoq.

Suliassamik saqqummiussineq

Maanna Kommuneqarfik Sermersuumi meeqqat atuariini atuartut iluarisimaarinerannik misissuisoqarneq ajorpoq. Taamaattumik ilinniartitsisut atuariilu pisortaasa namminneq naliliinero aallaavigalugit atuartut iluarisimaarinerannik naliliinermut tunngavigineqartarput, tamatuma saniatigut pitsaassutsimut nalunaarummi elevrãdit oqaaseqarsinnaatitaapput.

Kommunimi atuartut iluarisimaarinerannik misissuinissamut periutsimik ujartuilluni ingerlatsivik suliaqarpoq.

Ingerlatsivik Kommuneqarfik Sermersuumi taamaallaat atorneqartussamik atuartut iluarisimaarinerannik misissuinissamut suliaqarnissaa aningaasaqarnikkut sulisutigullu pissusissamisuu-sanngitsoq ingerlatsivimmit nalilerneqarpoq. Naammattumik qaffasissumik pitsaassusilimmik misissuinissamut annertuumik kisitsisitigut periutsinillu ilisimasaqarnissaq piginnaasaqarfineqartariaqarpoq - tamakku maanna atuarfeqarnermut immikkoortotami ingerlatsivimmilu pigineqanngillat.

Tamanna pillugu atuartut iluarisimaarinerannik misissuinissamut periarfissat tulliuttut misissorneqarput:

Danmarkimi atuartut iluarisimaarinerannik misissuineranut atortorissiap atorsinnaaneranut periarfissaqartoqarnersoq pillugu ingerlatsivik Danmarkimi atuartitaanermut ministeriamut saaffiginnissuteqarpoq. Danmarkimi atuartitaanermut ministeriaqarfik UNI - login, atuartitaanermut ministeriaqarfimmi databasimut atassuteqartoq, atorlugu atuartut iluarisimaarinerannik misissuinerit ingerlattarpaat. Tassunga databasip ilaanut atuisinnaaneranut apeqquteqaateqartoqarpoq, Kommuneqarfik Sermersooq UNI - login-eqareemat, taamalu atuartitaanermut ministeriaqarfimmi databasip ilaanik atuisinnaareerluni. Teknikkikkut atortorissaarutit pissutaallutik danskit atuartut iluarisimaarinerannik misissuinissamut atuisitsinissamut periarfissaqartoqanngilaq, taamaattumillu aaqqiissutinik allanik ujartuisoqartariaqarluni.

Maanna ingerlatsivik Ilinniartitaanermut Aqutsisoqarfimmut saaffiginnissuteqassaaq nuna tamakkerlugu atuartut iluarisimaarinerannik misissuinissamut periarfissamik pilersitsinissaq apeqquteqaatigalugu naatsorsuutigineqarmat Nuna tamakkerlugu atuarfinit tamanit iluaqutigineqarsinnaassasoq.

Periarfissaq alla tassaavoq avataaniit siunnersuisoqarfimmit atuartut iluarisimaarinerannik misissuineramik pisinissaq. Maanna killiliussat iluanni ingerlanneqarnissaa ingerlatsiviup aningaasartuutaavallaassasoq nalilerpaa, kiisalu Danmarkimiit nunamilluunniit allaneersumit siunnersuisoqarfimmit atuinissaq pisariaqassaaq. Atuartut iluarisimaarinerannik misissuinissamut suliamut ilisimasalinnit, Kalaallit Nunaanni atuarfeqarnermik kalaallisullu oqaatsinik ilisimasalinnik, najoqqutassiortoqarpat nalequnnerussasoq nalilerneqarpoq.

Aaqqiissutissatut siunnersuut – suliatigut naliliineq

Siuliini allassimasut tunngavigalugit atuartut iluarisimaarinerannut misissuinissamut periarfissat pillugit ingerlatsiviup Ilinniartitaanermut Aqutsisoqarfimmut saaffiginnissuteqarnissani kissatigaa. 2018-imi upernaakkut periarfissaanersoq pillugu ingerlatsiviup killiffik pillugu ilisimatitsinissani naatsorsuutigaa.

Taamaangippat avataaniit siunnersuisoqarfimmit atuartut iluarisimarinerannut misissuisinnaasunut ingerlataqarsinnaasunullu aningaasaliissuteqarnissaq pisariaqassaaq.

Aningaasaqarnikkut sulisoqarnikkullu naliliinerit

Ilinniartitaanermut Aqutsisoqarfik atuartut iluarisimaarinerannut misissuissummik ineriartortitsilluni suliaqassappat ingerlatsivimmut aningaasatigut sulisutigullu annertuunik atuinissaq naatsorsuutigineqanngilaq.

Avataaniit siunnersuisoqarfimmit neqerooruteqartitsisoqanngimmat tassunga atatillugu qanoq aningaasartuuteqartoqassanersoq nalilerneqarsinnaanngilaq.

Inatsisitigut tunngavissaq allakkallu tunngaviusumik uppernarsaatitallit

Ingerlariaqqinnissaq

Atuartut iluarisimaarinerannik misissuinissamut periarfissat pillugit ingerlatsiviup Ilinniartitaanermut Aqutsisoqarfimmik oqaloqateqarnerit aallartissavai ataavartumillu Meeqqanut Atuarfeqarnermullu Ataatsimiititaq ilisimatitsissuteqarfigalugu.

Aningaasaqarnermut Allatseqarfimmit oqaaseqaatit

Oqaaseqaateqartoqanngilaq

Innuttaasunik peqataatitsineq/attaveqaqatigiinneq

Innuttaasunik peqataatitsisoqanngilaq

Ingerlatsivinniit allaniit oqaaseqaatigineqartut

Oqaaseqaateqartoqanngilaq

Ilanngussaq

Ilanngussaqanngilaq

Punkt 4: Aalajangiiffigisassat

Punkt 04A: Kommuneqarfik Sermersuumi atuarfiit atuannigiffeqartitsinissaannut Meeqqanut Atuarfeqarnermullu Ataatsimiititamut aalajangiiffigisassaq

Beslutning

Inassuteqaat akuerineqarpoq.

Bilag

Bilag 1 Nuuk.docx

Bilag 2 Qeqertarsuatsiaat.docx

Bilag 3 Kapisillit.docx

Bilag 4 Tuiisaaq.docx

Bilag 5 Arsuk.docx

Bilag 6 Tasiilaq.docx

Bilag 7 Kuummiut.docx

Bilag 8 Kulusuk.docx

Bilag 9 Tiilerilaaq.docx

Bilag 10 Isertoq.docx

Bilag 11 Sermiligaaq.docx

Bilag 12 Ejnar Mikkelsen.docx

Bilag 13 Retningslinier for ferieplanen 2018-2019.doc

Kommuneqarfik Sermersuumi atuariit atuangiffeqartitsinissaannut Meeqqanut Atuarfeqarnermullu Ataatsimiititamut aalajangiiffigisassaq.

Atuariit atuangiffeqartitsinissaannut aalajangiiffigisassaq.

Aalajangiiffigisassaq

J.nr. 51.08.02

Meeqqanut Atuarfeqarnermullu Ingerlatsivik - pisortaq Helene Berthelsen / HEBE

Suliassamik eqikkaaneq:

Meeqqanut Atuarfeqarnermullu Ataatsimiititaq kommunalbestyrelsimiit Kommuneqarfik Sermersuumi atuariit atuangiffeqarnissaannut inaarutaasumik aalajangiinissamut piginnaatinneqarput. Matumuunakkut ingerlatsiviup kommunemi meeqqat atuariini ukiumut atuariusumut 2018/2019-mut atuangiffissanut siunenrsuutit aalajangiiffigisassanngorlugit saqqummiuppai. Atuangiffissanut siunnersuutit ilanngussatut ilanngunneqarput.

Kommunimi atuariit tamarmik ukiumi atuarneq sapaatip akunnerani 33-mi aallartissavaat. Kommunimi atuariit, ukioq atuariusoq minnerpaamik ullunut atuariusunut 200-nut, sapaatit akunnerinut 36-nut 40-nullu agguataarneqarsimasut qaangiukkaangata naammassineqarsinnaavoq.

Atuariit misilitsiffiusut, ukioq atuariusoq meeqqat atuarianni inaarutaasumik misilitsiffiusut naammassigaangata aatsaat ukioq atuariusoq naammassisinnaasarpaat.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- 2018/2019-mi ukiumi atuariusumi kommunip atuariini atuangiffeqarnissatut inassuteqaatigineqartut akuerineqassasut.

Suliassamik saqqummiussineq

Kommunimi atuariit tamarmik ukiumi atuarneq sapaatip akunnerani 33-mi aallartissavaat. Kommunimi atuariit, ukioq atuariusoq minnerpaamik ullunut atuariusunut 200-nut, sapaatit akunnerinut 36-nut 40-nullu agguataarneqarsimasut qaangiukkaangata naammassineqarsinnaavoq.

Atuariit misilitsiffiusut, ukioq atuariusoq meeqqat atuarianni inaarutaasumik misilitsiffiusut naammassigaangata aatsaat ukioq atuariusoq naammassisinnaasarpaat.

Aaqqiissutissatut siunnersuut – suliatigut naliliineq

Nuummi atuariit tamarmik assigiimmik atuangiffeqarnissamik pilersaaruteqarput. Illoqarfik Nuuk atuarfeqarfiuvoq. Ilaqutariit arlalinnik meeraqarsinnaapput atuariinni arlalinni atuartartunik periarfissaqassapullu piffissami assigiimmi atuangiffeqarnissamut.

Kommunimi illoqarfinni nunaqarfinnilu atuariit allat atuangiffeqarnertik najukkami pissutsinut ileqqorineqartullu malillugit tulluarsaallutik pilersaarusiortarput.

Atuanguiffeqarnermi pilersaarusiassat tusarniaassutigineqareerput, tusarniaassutigineqartullu pineqartut pilersaarusiannut inaarutaasunut siunnersuutissatut ilanngunneqarsimapput.

Siunnersuutigineqartut tamarmik pisortatigoortumik piumasaqaatigineqartut minnerpaat malippaat.

Aningaasatigut sulisoqarnikkullu naliliinerit

Atuanguiffeqarnissamut pilersaarusiassat aningaasaqarnerup pilersaarusiortneranut sunniuteqarnaviangillat.

Inatsitigut tunngavissaq allakkallu tunngaviusumik uppersaatitallit

Meeqqat atuarfiat pillugu inatsit 2012,

Atuarfimi atuartut atuangiffeqartarnerisa pilersarusiornerat pillugu Namminersornerullutik Oqartussat nalunaarutaat nr. 4, 5. marts 2003-meersoq.

Ingerlariaqqinnissaq

Atuangiffeqarnissamut pilersaarutit kommunip nittartagaani atuarfiillu iluani nittartakkakut saqqummiunneqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik oqaaseqaateqartinneqangilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allanit oqaaseqaatit

Ingerlatsivinnit allanit oqaaseqaateqartitisoqangilaq.

Ilanngussat

1. Nuummi atuarfiit atuangiffissaannik pilersaarutit ukioq atuarfiusoq 2018/2019
Nuummi atuarfinnut ukiumi atuarfiusumi 2018/2019-imi atuangiffeqarnissamut pilersaarut.
2. Qeqertarsuatsiaat Atuarfianni atuangiffissat 2018/2019
Ukiumut atuarfiusumut 2018/2019 atuangiffeqarnissamut pilersaarut Qeqertarsuatsiaat Atuarfianut
3. Kapisillit Atuarfiani atuangiffissat pilersaarutit ukioq atuarfiusoq 2018/2019
Ukiumut atuarfiusumut 2018/2019 atuangiffeqarnissamut pilersaarut Kapisillit Atuarfianut
4. Tuiisap Atuarfianni atuarfianni atuangiffissat pilersaarutit ukioq 2018/2019
Ukiumut atuarfiusumut 2018/2019 atuangiffeqarnissamut pilersaarut Atuarfik Tuiisamut
5. Arsuup Atuarfiani atuangiffissat ukioq atuarfiusoq 2018/2019
Ukiumut atuarfiusumut 2018/2019 atuangiffeqarnissamut pilersaarut Arsuup Atuarfianut
6. Tasiilami Alivarpimmi atuangiffissat ukioq atuarfiusoq 2018/2019
Ukiumut atuarfiusumut 2018/2019 atuangiffeqarnissamut pilersaarut Tasiilami Alivarpimut
7. Kuummiini Alivarpimmi atuangiffissat ukioq atuarfiusoq 2018/2019
Ukiumut atuarfiusumut 2018/2019 atuangiffeqarnissamut pilersaarut Kuummiini Alivarpimut
8. Kulusumi Alivarpimmi atuangiffissat ukioq atuarfiusoq 2018/2019
Ukiumut atuarfiusumut 2018/2019 atuangiffeqarnissamut pilersaarut Kulusumi Alivarpimmi
9. Tiilerilaap Alivarpiani atuangiffissat pilersaarutit ukioq atuarfiusoq 2018/2019
Ukiumut atuarfiusumut 2018/2019 atuangiffeqarnissamut pilersaarut Tiilerilaap Alivarpianut 2018/2019
10. Isertup Alivarpiani atuangiffissat pilersaarutit ukioq atuarfiusoq 2018/2019
Ukiumut atuarfiusumut 2018/2019 atuangiffeqarnissamut pilersaarut Isertup Alivarpianut
11. Sermiligaap Alivarpiani atuangiffissat pilersaarutit ukioq atuarfiusoq 2018/2019
Ukiumut atuarfiusumut 2018/2019 atuangiffeqarnissamut pilersaarut Sermiligaap Alivarpianut
12. Ejnar Mikkelsenila Alivarpiani atuangiffissat ukioq atuarfiusoq 2018/2019
Ukiumut atuarfiusumut 2018/2019 atuangiffeqarnissamut pilersaarut Ejnar Mikkelsenila Alivarpianut
13. Retningslinier for ferieplanen 2018 – 2019.

**Punkt 5: Suliat Aningaasaqarnermut Inuussutissaqarnermullu
Ataatsimiititamut Kommunalbestyrelsimullu ingerlateqqitassat**

Punkt 05A: Maaji Nuan 2018

Beslutning

Oqaluuserisassaq 03C-mut nuutsinneqarpoq.

Ilisimatitsissut tusaatissatut tiguneqarpoq.

Maaji Nuan 2018

Aalajangiiffigisassaq

J.nr.: 63.49

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Maaji Nuan Kommuneqarfik Sermersuumi 2011-miilli illoqarfinni tamani, Nuummilu 2008-miilli, aaqqissuuneqartarpoq. Aaqqissuussa q ukiuni siuliini iluatsilluartumik ingerlanneqartarpoq, Nuummiinnarlu innuttaasunit 5000-it sinnerlugit peqataaffigineqartarluni, minnerpaamillu sammisassat 150-it tamanut, tassa meeqqanut, utoqqarnut, timigissartartunut, angerlarsimaffeqanngitsunut kiisalu pimoorullugu unammisartutut timersortartunut ingerlanneqartarlutik.

Illoqarfinni assigiinngitsuni suliniuteqartartut Maaji Nuann 2018-imi aaqqissuunnissaanut soqutiginnillutik nalunaareerput. Tamanna tunngavigalugu Peqqinnermut Sunngiffimmullu Immikkoortortaqrarfiup siusissukut aningaasaqarnermut tunngasut naammassereerusupai, suliniummut qinnuteqartut sukkasuumik qinnuteqaatiminnut akineqarnissaat siunertaralugu. Taamaaliornikkut aaqqissuisut aaqqissuussinermut pilersaarusiornissaminnut piffissaqarluarnerussammata.

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- Nuummi "Maaji Nuan" ingerlannissaanut konto 8.1.2 atorlugu 90.000 koruuninik aningaasaliisoqarnissaa akuerineqassasoq,
- Tasiilami "Maaji Nuan" ingerlannissaanut konto: 8.1.2 atorlugu 30.000 koruuninik aningaasaliisoqarnissaa akuerineqassasoq,
- Paamiuni "Maaji Nuan" ingerlannissaanut konto: 8.1.2 atorlugu 30.000 koruuninik aningaasaliisoqarnissaa akuerineqassasoq, aammalu
- suliaq Aningaasaqarnermut Inuusutissarsiornermullu Ataatsimiititamat ilisimatitsissutitut ingerlateqqinneqassasoq

Suliassamik saqqummiussineq

Maaji Nuan timersornikkut aaqqissuussaavoq akeqanngitsoq, qaammat maaji tamaat innuttaasunut akeqanngitsumik sammisaqarnissamat neqeroorutaavoq. Maaji Nuan Nuummi Nuuk 2007-imi aallartinneqarpoq, maannali aamma kajumissutsiminnik suliaqartut ikiortigalugit Tasiilami, Paamiuni aamma Ittoqqortoormiini ingerlanneqartarluni.

Innuttaasut aalanerunissaat, ataqatigiinnerulernissaat kiisalu najukkami inuiaqatigiit amerlasuut, peqqinnartunik sammisaqarnissaat qitiutillugu, peqataatinneqarnissaat aaqqissuussinermi siunertaavoq.

Sapinngisamik maajip qaammataa tamaat peqqinnartunik sammisassanik neqerooruteqarnissaq anguniarneqarpoq.

Aaqqiissutissatut siunnersuut – suliatigut naliliineq

Aaqqissuussami timersorneq aalanerunissarlu pilerisaarutigineqarpoq, innuttaasunullu timersorneq, aalaneruneq peqqinnartunillu sammisaqarneq pilerinarsarneqarpoq.

Maaji Nuan peqatigiiffinnut kajumissutsiminnik ingerlanneqartunut unammillertut nalilerneqanngilaq, akerlianilli peqataasut timersoqatigiiffinnut peqatigiiffinnullu kulturimut tunngassuteqartunik ingerlataqartunik ilaasortanngortitsinissamut tapersiutaalluni.

Aningaasaqarnikkut sulisoqarnikkullu naliliinerit

Ittoqqortoormiiniit ilisimatitsissutigineqarpoq missingersuutit annertussanngimmata tapiissuteqartoqarnissaq pisariaqassanngitsaq.

Nuummiit, Tasiilamiit Paamiuniillu 2017-imitut annertussuseqartunik tapiissutinik qinnuteqartoqarnissaa naatsorsuutigineqarpoq.

Inatsisitigut tunngavissaq allakkallu tunngaviusumik uppemarsaatitallit

Kulturikkut ingerlatsineq sunngiffimmilu sammisassaqaqtitsineq pillugit Inatsisartut inatsisaat nr. 5, 6. juni 2016-imeersoq
Kommuneqarfik Sermersuumi timersornermut politikki

Ingerlariaqqinnissaq

Politikkikkut aalajangiisoqareerpat Meeqqanut Atuarfeqarnermullu Ingerlatsivik qinnuteqartut qanoq tapiiffigineqarsinnaanerannut aningaasatigut toqqammavissamik suliaqassaaq. Kommuneqarfik Sermersuup aningaasaliisutut nittarsaanneqarnissaa eqqarsaatigalugu, nalunaaruteqarnermi oqaloqatigiinneq piumaarpoq.
"Maaji Nuan" pillugu naatsorsuutit, pisussap naanemaniit qaammatit pingasut qaangiutsinnagit kommunimut nassiunneqareersimasussaapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit maluginiarneqarpoq, tapiissutit missingersuutini aningaasanit immikkoortereersimasanit akilerneqarsinnaasut.

Innuttaasunik peqataatitsineq/attaveqaqatigiinneq

Soqanngilaq

Ingerlatsivinnit allaniit oqaaseqaatit

Pissarsiariniarneqanngillat

Ilanngussaq

Soqanngilaq.

Punkt 05B: PANAM 2018-imut taperneqaqqinnissamut qinnuteqaat

Beslutning

Inassuteqaatit akuerineqarput.

Bilag

BILAG_PANAM2018-Skrivelse-fra-Grønlands-Håndbold-Forbund_KAL.docx

PANAM 2018-imut taperneqaqqinnissamut qinnuteqaat

Aalajangiiffigisassaq

J.nr.:55:02

Meeqqanut Atuarfeqarnermullu Ingerlatsivik – pisortaq Helene Broberg Berthelsen / HEBE

Suliassamik eqikkaaneq

Meeqqanut Atuarfeqarnermullu Ingerlatsivik PANAM 2018 ingerlanneqarnissaanut Kalaallit Nunaanni assammik arsaattartut Kattuffianiit (GHF) 1,5 mio. koruninik aningaasartallimmik qinnuteqaammik tigusaqarsimavoq. Qinnuteqaammut toqqammavigineqarput siusinnerusukkut aningaasartuutissat missingersuusiarineqarnerannut tunngavissatut aalajangersakkat, taakkuusullu Kalaallit Nunaata unammersuarnissamut ingerlatsinissaanut akuerineqarneranut maannakkumut toqqammagivineqartut, allanngornerat, ilaatigut ataqatigiissaarinissat kiisalu timmisartunut aningaasartuutit ilimagisamit annertunerunerat peqqutaallutik.

Meeqqanut Atuarfeqarnermullu Ingerlatsivik 2018-mi 1,0 mio. koruunit tapiissutissatut akuerineqareersut saniatigut PANAM2018-mut tapiissutissanik immikkoortitsinikuunngilaq. Tamanna pissutigalugu Meeqqanut Atuarfeqarnermullu Ingerlatsiviup innersuussutigaa, qinnuteqaat akuerineqassapat, kommunip karsianit tapiissutit aningaasalerneqassasut.

Inassuteqaatit

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititaliamut innersuussutigaa:

- Qinnuteqaat akuerineqassasoq,
- Tapiissutit kommunip karsianik aningaasalersorneqassasut, aamma
- suliaq Aningaasaqarnermut Inuusutissarsiornermullu Ataatsimiititamut Kommunalbestyrelsemullu akuerisassanngorlugu ingerlateqqinneqassasoq.

Suliassamik saqqummiussineq

Kalaallit Nunaanni assammik arsaattartut Kattuffiat PANAM 2018 ingerlanneqarnissaanut 1,5 mio. koruuninik aningaasartallimmik aammaarlutik qinnuteqaammik tunniussipput.

Qinnuteqaammut toqqammavigineqarput, siusinnerusukkut aningaasartuutissat missingersuusiarineqarneranut tunngavissatut aalajangersakkat allanngorsimanagerat. Tapiissutininik arlaqarnernik pisariaqartitsineq peqquteqarpoq aningaasarsiornermut tunngavissatut siunniussat ilaasa piviusunngunngitsoornissaat. Aningaasartuutit ilaatigut annertuumik qaffariarsimapput, aamma unammersuarnissaq ilimagisamit niuerutigineqarnissaminut naleqarpallaarsimangilaq, naak missingersuusiornermi tamanna naatsorsuutigineqarsimagaluartoq.

Kalaallit Nunaata unammersuarnissamut aqqissuussinissaata piviusunngortinneqarneranut piomasagaataasut ilagaat Amerika kujallermiit, Amerika qiterlarmiit kiisalu Amerika avannarlarmiit peqataasussat Mexico-miit/Panamiit Nuummumut timmisartumik attartornikkut ingerlanneqarnissaat qulakkeerneqassasoq. Tamannalu naatsorsuutigisamit marloriaammik akeqassasoq paasineqarpoq. Taassumalu saniatigut unamminarsimavoq timmisartumik amerlasuunik ilaasoqarsinnaasumik pissarsinissaq, tamannalu aamma GHF-p aningaasartuutaanut annertusaataasut ilagaat. Maannakkumut timmisartumik angallassinissat aningaasartuutissanit kisiartaapput. Timmisartuussinissat tamarmik, Kalaallit nunaata iluani timmisartuussinissat ilanngullugit, missingersuutit 15,0 mio. koruuniusut iluanni 7,0 mio. koruunit tungaanut akeqarput. Taakkulu saniatigut aningaasartuut annertoq, tassalu inissaqartitsiniarneq (3,2 mio. koruunit missaaniippoq).

Aaqqiissutissatut siunnersuut – suliatigut naliliineq

Ukiunut 2017-mut 2018-mullu agguarneqartussanik tapiissutinik katillugit 2,0 mio. koruunik tunniussisoqarneratigut, suliatiqut naliliinermi ersippoq, Ingerlatsivup innersuussutigaa AWG-mut pilersaarut assigalugu assigiimmik tunngavissaqarluni ingerlanneqassasoq, tassa aaqqissuisoqarluni (hosteqarluni), aqutsisoqarluni ulluinarnilu aqutsisoqarluni. Matumani aningaasaqarnerup aqunneqarnera eqqarsaatigalugu pingaarnertut inissisimanissaa, pissutigalugu aningaasartuutit aqunneqarsinnaajunnaarnissaat kommunimut iluaqutaanaviangimmata. Meeqqanut Atuarfeqarnermullu Ingerlatsiviup ilungersornartutut isigaa, qaammatit arfineq pingasut qaangiutiinnartut naatsorsuutigineqarmat aningaasat 5,0 mio. koruuningajaat amingaatigineqartut, taakkulu saniatigut aarlerinartortaqaarluni suli 1,5 mio. koruunit amingaatigineqarnissaat. Taamaattoq Meeqqanut Atuarfeqarnermullu Ingerlatsiviup oqaatigerusuppaa, ingerlatsinermut komitiip kiisalu Kattuffiup aningaasaqarniarnertik ilisimaaralugu, tassani ilanngullugit tapiissutit isertitassatullu naatsorsuutigineqarsimasut allanngornerat ilisimaaralugit, iliuseqarnerat ersarimmat. Soorlu Kattuffiup aalajangersimagaa sammisassaqaartitsinerit annikillineqassasut aningaasartuutissat annikillisarinarlugit.

Aningaasatigut sulisoqarnikkullu naliliinerit

Ullumikkut PANAM 2018 15,2 mio. kr.-nik missingersuuteqarpoq. Isumaqatigiissutit sponsorillu katillugit 8,5 mio. kr.-nit matussusissavaat, taakkulu saniatigut neriorsuutit isertitassatullu naatsorsuutigineqartut 1,7 mio. kr.-nit naatsorsuutigineqarput. Tassani ilaatinneqanngillat isertitassatut naatsorsuutigineqartut piviusunngortinneqarsinnaanerminnut nalornisitsisut. Taamaattumik pilersaarussiaq ullumikkut 4,9 mio. kr.-inik amingaateqarpoq, taakkulu saniatigut aarlerinartortaqaarluni suli 1,5 mio. kr. amingaatigineqarnissaat.

Kommuneqarfik Sermersooq 2017-mi 1,0 mio. kr. siunertamut tapiivoq, soorlu kommunip aamma ilimasaarutigereeraa 2018-mi 1,0 mio. kr. tapiiniarluni.

Qinnuteqaat akuerineqassappat, taamalu 1,5 mio. kr.-inik tapiisoqassappat, Meeqqanut Atuarfeqarnermullu Ingerlatsiviup innersuussutigaa aningaasat immikkut aningaasaliissutit kommunip karsianit aaneqassasut, tamanna peqquteqarpoq Ingerlatsiviup 2018-mut missingersuutinut siunertamut aningaasartuutissanik immikkoortitsisimanginnera.

Inatsisitigut tunngavissaq allakkallu tunngaviusumik uppernarsaatitallit
Illoqarfiit pingaarnersaat pillugu periaasissaq

Ingerlariaqqinnissaq

Innersuussutigineqartut akuerineqarpata tapiissutit 2018-mi kvartalip siulliup naalernerani tunniunneqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfik allanik oqaaseqaatissanik peqanngilaq

Innuttaasunik peqataatitsineq/attaveqaqatigiinneq

Soqanngilaq

Ingerlatsivinniit allaniit oqaaseqaatigineqartut

Soqanngilaq

Ilanngussaq/Ilanngussat

1. Ilanngussaq PANAM 2018 – Kalaallit Nunaanni assammik arsaattartut Kattuffiata allakkiaa.

Punkt 6: Taasariaqartut allat

Beslutning

Soqanngilaq.

Punkt 7: Suliat matoqqasut

Punkt 8: Imaqarniliap akuerineqarnera

Beslutning

Imaqarniliaq akuerineqarpoq nal. 10.15